


Emama Ezi—Oghere nọ A bi ro Kpomahọ Omairi (Abọ 2)

A reho e rie no uzou avọ 10 orọ obe *Eme Ebaibol na O Gine Wuhre?* ze, onọ whọ rẹ ruẹ evaọ jw.org/iso.

ẸJIRORO: Roro kpahe oware nọ whọ rọwo gbe oware nọ whọ rọ rọwo iẹe, kiẹ oware nọ Ebaibol na o wuhre, je roro oghere nọ whọ sai ro ru ei vẹ kẹ amọfa.



KỌ OWARE JỌ O JỌ IRUẸRU-IMIZI THỌ?

1 RORO KPAHE OWARE NỌ WHỌ RỌWO

Fikieme ahwo jọ a rẹ rọ ta nọ ijo?

Fikieme ahwo jọ a rẹ rọ ta nọ Ee?

Eme **whọ** rọwo?

Fikieme whọ rọ rọwo iẹe?

Ebaibol ọ ta nọ Ọghenẹ ọ rẹ ghọ iruẹru-imizi nọ idhivẹri e be rọ viẹ ahwo họ na.

(Rri uzou avọ 10 orọ obe *Ebaibol Wuhre* na, edhe-eme avọ 9-13.)

Se Iziewariẹ 18:10, 11 avọ Ahwo Galesha 5:19-21.

Ẹvẹ Ebaibol ọ ta nọ Ọghenẹ o rri iruẹru-imizi?

Se Eviavia 12:12, 17.

Fikieme Setan avọ idhivẹri riẹ a be rọ gwọlọ viẹ ahwo họ?



Whọ sae barosa zizie ohwo ugbarugba ziọ uwou ra ha, kọ fikieme who je se idhivẹri gboma?

Jihova o ti fiobohọ kẹ omai mugba kẹ izi imuomu.

(Rri uzou avọ 10 orọ obe *Ebaibol Wuhre* na, edhe-eme avọ 14-19.)

Se Iruẹru Ikọ 19:19.

Whọ epanọ oria Ebaibol nana o ta na, didi oriruo Ileleikristi ikpe-udhusoi ọsoso nọ e jẹ rria Ẹfisọs a fihọ otọ kpahe ẹzadhe iruẹru-imizi?

Se Itẹ 18:10; Ahwo Ẹfisọs 6:16; avọ Jemis 4:7, 8.

Eme Jihova ọ kẹ omai no re ma sai dikihe ga kẹ Setan avọ idhiveri riẹ?

Eme ọ jariẹ were owhe nọ whọ riẹ nọ Jihova ọ ga vi idhiveri na gbe nọ ọ gwọlọ fiobohọ kẹ omai woso ai?

3

RU OWARE NỌ WHỌ RỌWO VẸ KẸ AMỌFA

NỌ OHWO JỌ Ọ TẸ TA NỌ ...

Oware ovo o jariẹ tho họ re ohwo ọ nyae gwọlọ otọ; a rẹ fake rehọ iẹ rẹ otọ oware ovo, u yoma ha.

WHỌ SAE TA NỌ ...

Ahwo buobu a sae rọwo ẹme ra na. Rekọ mẹ rọwo ere he keme...

Oria Ebaibol vẹ whọ rẹ sai se kẹ ohwo na?

Nọ whọ ruẹ nọ ohwo na o rri rie oghẹẹ ofa na, ẹvẹ who re ro ru oria Ebaibol na vẹ kẹ ziezi?

NỌ OHWO JỌ Ọ TẸ TA NỌ ...

Idhivẹri a wo ogaga wo umuo ho, oware ovo nọ ma rẹ sai ru ro mugba kẹ ai o riẹ hẹ.

WHỌ SAE TA NỌ ...

Ginọ uzẹme nọ idhivẹri a wo ogaga. Rekọ mẹ rọwo nọ ma rẹ *sai* mugba kẹ ai keme...

Oria Ebaibol vẹ whọ rẹ sai se kẹ ohwo na?

Nọ whọ ruẹ nọ ohwo na o rri rie oghẹẹ ofa na, ẹvẹ who re ro ru oria Ebaibol na vẹ kẹ ziezi?
